

四庫全書

集部

欽定四庫全書

集部  
陳白紗集卷八

詳校官庶吉士臣陳若霖

中書臣劉源溥覆勘

總校官檢討臣何思鈞

校對官中書臣高 中

謄錄監生臣梁鳴岐

欽定四庫全書

陳白沙集卷八

明 陳獻章 撰

七言律詩

次韻張廷實舟中寫興

春浪江門又打山，孤舟誰蕩兩山間。  
雙眸少見鸞高翥，百歲當如燕倒餐。  
影響何勞空說夢，功名真個不如閒。  
何人解脫葫蘆罥，跳下漁磯共釣竿。

白沙先生六十年脚頭到處是青天，幾場世事攢眉應。

千丈雲根枕頂眠，今夕高談真不偶。  
後來勝會恐無緣，白頭不起江門浪。  
打住吟風弄月船。

好月江門客未眠，水風吹冷綠楊烟。  
望窮碧海三山路，興滿羅浮七洞天。  
勢利可能驅我輩，路人剛道是神仙。  
千峰不語留君醉，乞與人間作畫傳。

寄張兼素

歸舟遠泝長江水，信息初通五嶺雲。  
此日山林聊共病，幾時風月許平分。  
諸賢在位當扶世，我輩何人敢避羣。

蚤晚求丹還入海風濤滿池却懷君

緝熙至用寄兼素先生韻寫懷

黃鸝啼破海山春萬里滄溟一片雲童子燒香賓客坐  
老妻謀酒隔牆分閒花塢裏藏春色麋鹿山中失舊羣  
今夜蒲團空對我明朝烟艇不隨君

草閣春風忽兩人坐臨江水看江雲尋常肝肺詩中寫  
六十頭顱鏡裡分落絮風驚還著樹行人日出便離羣  
孤舟遠下南京道望斷梅關不見君

寄太虛上人用舊韻

衆生尊我我須勞公在吾儒公亦豪  
數點曉星滄海遠一牀秋月定山高  
性空彼我無差別力大乾坤可趺交  
十二萬年如指掌且拚閒弄在甄陶

寄定山

影響驅馳等是勞風流今古幾人豪  
但聞司馬衣裳古更見伊川帽桶高  
巖徑無風松子落翠屏終日白雲交  
定山樣子從來別詩變堯夫酒變陶

封博羅何孝子廬墓詩卷

春夏誰開發育功直憑天地閉秋冬三緘欲了西涯意  
諸作還經老手封活水有源終到海遊絲無力祇隨風  
肯將吾道千年計跳入羅浮四百峯

重約馬默齋外海看山

春風擬進赤泥舟曾約看山共此遊落盡忽過三月半  
先生能復一來不不堪老我痴猶在且喜嬌兒病已瘳  
想得渡頭楊柳樹清陰閒弄釣魚舟

代簡答黃大理仲昭

先生面目入中年海曲丹青不遣傳尺簡豈堪頻問訊  
兩京還說舊因緣餘生可試屠龍技畢嫁纔消鬻犬錢  
九曲棹歌君莫唱千秋誰和武夷仙

代簡答林蒙庵用前韻

忽忽浮生又一年圖書老矣待誰傳人非為已終無得  
我與先生似有緣六十懇辭兵部祿尋常亦欠酒家錢  
武夷九曲君應到爭向區區問學仙



次韻答林別駕

誰軟南溟一口清  
惠陽別駕不勝情  
春雲可待成霖雨  
空谷還來問朽生  
每恨功名欺老病  
閒將律呂寄新聲  
白頭滿眼知音少  
却愛夫君蓋未傾

杖

一杖何妨九尺材  
白頭筋力小低徊  
西崖拄月翩翩去  
浦口挑雲得得來  
原壤見之休叩脛  
醉鄉扶我且銜杯  
一生用底公須愛  
持贈山僧恐未該

與陳聰

秋風兩見蒲陽子  
皂帽青筇去復回  
眼底流年三十許  
脚跟行路幾千來  
未知世事真能忘  
初得家書不肯開  
若問江門何所見  
兩涯春雨長青苔

袁侍御輓詩

九載宜興共太平  
長官能事問生靈  
霜臺白筆宜當路  
北極中天拱列星  
眼底兩途分淑慝  
手中三尺有雷霆  
却疑夜半龍川雨  
直為高賢洗汗青

山齋秉燭話同遊十九年中酒一甌赤縣敢辭烏府召  
江湖先有廟堂憂諸公不意辰星少百計猶須晚境  
休何處龍川子規鳥為君啼恨五更頭

留朱甘節誠庵先生之姪也

早從太保學關西三十不官人得知到處自稱西楚客  
逢人只說李承箕百錢拄杖還雙屨千里低頭但一碑  
江上竹枝歌正好留君況是月明時

中秋與朱甘節白沙賞月呈甘節兼寄其從子玘

天壤與君分楚越中秋高坐白沙庵雖無絲管留人醉  
且對滄波與客談桂樹何年攀月窟竹枝今夜唱湖南  
外沙子弟通家舊一一煩君語阿咸

元旦試筆

六載虛叨供奉恩白頭吾亦兩朝臣閭閻擊壤今弘治  
簡冊編年又戊申日色小薰穠李晝風光欲醉乳鶯春  
廬岡此景誰分付也到江門不屬人

天上風雲慶會時廟謨爭遣草茆知隣牆旋打娛賓酒

稚子齊歌樂歲詩老去又逢新歲月春來更有好花枝  
晚風何處江樓笛吹到東溟月上時

次韻李子長抵江門之作

江門之水流千春玉臺之山多白雲此山若解留人住  
此水應須與客分雲谷丈人終不老舞雩重子又成羣  
去時若問來時見尋樂齋前對此君

送李子長還五羊

津頭看水坐成痴天地閒人我却知此日江山初見子

向來風韻更因誰  
春波蕩柳舟難繫  
曉樹啼鶯枕欲敲  
江上明朝空引望  
白雲何處久支頤

寄廷實用前韻

嚼花黃鳥更狂痴  
報得春光滿地知  
千首有詩都寄子  
一瓢無酒可干誰  
夜來極飲花神喜  
江上長歌斗柄欹  
還憶舊遊三兩輩  
眼前今古涕交頤

得陳庸書寄莊定山

疾子不須疑用舍  
定山休更問行藏  
千年天地逢開闢

一代規模見主張老惜筋骸雖伏枕分甘藜藿也高堂  
觀棋莫道無高著當局輸贏又未量

約諸友遊圭峯文都報子病不果行

西望蒼崖意已傾怪來天道與人情雲頭似墨朝垂幕  
兩脚如絲夜擁綾三約兩違真未信百憂千算卒無成  
相看獨有南山老打硬猶堪逐後生

與廷實同遊圭峯別後奉寄且申後來崖山之約  
弄罷飛泉下玉臺青天何處首空回城中春雨君高卧

竹下茆亭客未來坐隔談鋒終日笑碑封丹蹟幾回開  
孤舟莫負秋來約同到崖門白浪堆

千尋嶺上更登臺再到丹丘忘却回雨歇山齋人已去  
月明江舫夢還來不掛鐵柱唐針利豈是金甌刮眼開  
回首崖山多感慨英雄枯骨漫成堆

用前韻寄文都曝日臺

君家曝日有高臺君坐臺中日幾回旁舍先生扶杖過  
平湖縣博寄詩來不知天道晴還雨屢見山花落又開



已有高人來指點白雲何處路旁堆

次韻李世卿雨中

南北東西眼欲連簷頭風雨夜鳴泉天低鄂渚衡山外  
人在江門海水邊愛酒時時同李白論詩稍稍到底堅  
故人解致西山鳳想脫漁蓑上畫船

偶成

秋月朗耀秋風清漁翁自歌還自聽却慙夜半留雙睫  
早為人間了六經賢聖當為天下極何人不共此心靈

從前欲洗安排障萬古斯文看日星

與世卿閒談兼呈李憲副

風光何處可憐生共把閒愁向酒傾今日花非前日看  
少年人到老年更秦傾武穆憑張俊蜀取劉璋病孔明  
萬古此冤誰洗得老夫無計挽東溟

禮樂猶存魯兩生至今聞者尚心傾乾坤已正高皇統  
制作還隨漢事更世情迥與淳風別山色須看過雨明  
枕底白雲閒一片直從南斗跨東溟

酒醒西巖看月生此懷此夜向誰傾百年自信官清淡  
兩耳那聞世態更露飲秋蘭分楚客詩連石鼎對彌明  
五湖烟水能多少更整絲綸釣八溟

午枕清風汗不生鼻雷打到日西傾東西山色移床看  
六十年光轉瞬更廬阜白雲真太華玉臺高閣小朱明  
丹青若更閒分別老子江門是一溟

草長津南薙復生陰晴天氣欲相傾短簷風暖偏宜睡  
古瑟絃歌且莫更有客艤舟留信宿呼兒問酒出黎明

短衣江畔聊延佇又聽漁歌徹四溟

病裡風光如隔生泥尊名酒為誰傾不將萸菜還張翰  
也把茅根與率更松下白頭眠卓午沙邊赤脚步平明  
安期久矣無尋處知在南溟是北溟

獨立滄茫笑此生瘦筇幾尺也扶傾新傳隻屨無多售  
舊濫吹竽亦小更往往詩囊隨李賀深深酒琖寄淵明  
世間未必如公足山有飛雲水有溟

碧酒三杯春又生偶逢騷客各披傾楊雄識字終誰讓

家媪知音却屢更舊管一題都迭蕩新收半卷轉高明  
封緘遠寄而宗老月在青天影在溟

羞將白髮對黃生信未通前意已傾門靜客稀偏足話  
山迴埭遠不知更雞鳴桑柘孤村曉日出東南一角明  
我欲與君同辟穀不攜妻子住滄溟

月下懷世卿時在南山

世卿昔赴南山召今見南山問世卿信宿世卿向何處  
一片南山空自青滄波脚底機全活勾漏囊中藥果靈

且傍鐵橋攜笛上亂峯明月試吹聽

寄外史世卿玉臺

兩崖樹石幾重衙富貴人間未足誇到寺客携元亮酒  
在山泉煮玉川茶高軒倘許重過我多病仍便久卧家  
對月不禁秋思得清吟分付一籬花

病領詞官不到衙老慵無意向人誇四時好景偏留句  
兩腋清風每試茶司馬雖稱題柱客薛公猶在賣漿家  
近來山寺多高興更作詩豪對浣花

城扉半掩更休衙客子山中句可誇階下西風吹落葉  
僧呼童子掃烹茶著書歲晚堪投筆見月宵來定憶家  
記得西甄舊遊處滿船秋雨木棉花

江城吹笛月斜衙回首秋巖寂可誇世外一眠那有夢  
腹中三斗却須茶文衰東漢無高手詩過中唐少作家  
笑殺平原趙公子當年毛薛眼金花

記旱用前韻

簫管聲停刺史衙豐穰無復去年誇禾焦百畝還輸稅

金史卷八  
卷八  
菊到重陽可泛茶隣壤兵戈悲此役隔村烟火問誰家  
諸公果解憂民極肯算腰金不鏤花

得鄧俊圭書

舞雩童子亦同遊陋巷高賢得自求漢老豈非徐孺子  
宋人何獨薛居州數莖雪報年華晚獨樹風驚昨夜秋  
書使遠來深有意白雲高幘岸羅浮

九日李鴻兄弟攜酒從余登舍北小廬峯四望書  
所見寄世卿圭峯



山愛廬峰節愛名登臨袞袞到諸生千巖已見昏鴉集  
兩楹還挑大鼈行隴稻不收交馬跡寒花莫賞更人情  
玉臺此日秋風賦誰敵縱橫李世卿

六十一自壽

世間甲子是何年母鬢雙皤子亦然十數曾孫羅膝下  
兩三杯酒笑燈前尋僧野寺花迷路吹笛江門月滿船  
聖主萬年歌不足黃河清了鳳翩躚

孤子今來六十一慈親已過八旬三旌書門外題新榜

拭淚床頭換舊衫少有菑畬供俯仰不妨漁釣老東南  
些兒別作長生計巖畔丹書有兩函

侍御朱先生將還京再過白沙言別出示同寅

周先生送行詩因附其韻

老大師門浪我推飛騰天路是君期兩藩須按兵民籍  
百姓當懸父母思燭剪山齋曾舊雨蓋碩京國亦多時  
分携別作無言贈處處還君不暫離

臨安守鍾美宣同姓將赴任過白沙言別出示

莊定山所贈詩次韻

崖門春弄海濤高  
太守當年共草茅  
山閣遠煩青眼顧  
世情渾是白頭交  
功名此去期當道  
風月何妨坐小舠  
敢冀千金收馬骨  
真成一笑擲鴻毛

夜半海風來最高  
江亭卷我三重茆  
一林月色曉還在  
四壁波光寒欲交  
皂蓋忽聞催驛騎  
綠楊長繫釣魚舠  
也知窮達關天命  
誰把行藏管鬢毛

廷實累約遊匡山  
不遂世卿在數千里外  
不期

而同固亦有數次舊韻寄廷實

海中來覓羨門生雪浪如山故故傾畫舫兩期人不至  
蒼厓一別歲頻更嘈嘈鼓笛轟雲下弄弄波濤到月明  
誰道青蓮李居士一槎千里共浮溟

和世卿留別韻

笑索南枝冷未禁詩情翻益別情深杯中涕淚知郊意  
手裡推敲失島心赤壁去看橫白鶴大厓不著買黃金  
山僧許借山房睡只許僧分月一尋

自首山中病不禁百年愚計謾成深四千客路旁人笑  
去位憂端各此心何限詩留何限意一囊書當一囊金  
江門細路細如線端為高軒廣尺尋

代陳汝岳謝李世卿撰玩琴軒記

先子當年一坐軒軒中高榜揭無絃斯文觸目休論價  
世德流芳可盡年從此兒童堪我誦是何風韻與人傳  
道旁雖有崖千尺不得名家一字鐫

玄真送柑

溪園十月摘黃柑歲月將窮致小籃繞膝痴孫高起舞  
隔年乳酒正開罈色香本出梨之右風味真無嶺以南  
不惜霜根傳藥圃白頭還解荷長鑱

讀丁知縣行狀申文後

州里懽騰此郡推揮毫今徹九泉知古來士論都元氣  
天下人心自秉彝太史書須凡例定桐鄉愛是長官遺  
憑君更向郊原問怕有人間未采詩

得世卿南安書

嶺客歸時一信通  
匆匆燒燭待開封  
心知別去千回折  
詩長從來一格工  
大意天開曾點識  
前途誰貸阮郎窮  
世間浩浩閒來往  
除是青山不負公

世卿寄示經飛來寺和予壬寅秋舊律詩復用韻  
山之燃燈客欲留  
客情到此淡於秋  
詩篇可續還杯酒  
行李無多共一牛  
峽水更看東逝急  
嶺猿那肯畫啼休  
夢題回首今如夢  
巢父猶應笑許由

將營土閣使人取材於海山  
颶作舟踰期始至喜

而賦此

颶母徒懷一月憂眼中材木稱心求老妻洗爵傾紅秫  
秋浪來帆出白頭萬里滄波宜遠望四時風月欠高樓  
時哉版築休停手二頃陂田幸晚收

秋夕偶成小兒失解聊以慰之

崔顥賦詩黃鶴樓白雲黃鶴兩悠悠江山供眼不知老  
風月滿蓑還是秋三試吾兒雖失解一花司馬未簪頭  
何人久抱遺珠恨黑觜抽成白觜抽



憶世卿廷實用寄景陽韻

東西垣竹影交  
欹坐到芭蕉  
月上時何處  
塵蒙春試馬  
壁間苔沒舊  
題詩一杯脫  
粟吾將老  
萬里長風子  
可羈別有樵夫來  
歇擔晚涼松  
下一殘棋

永豐劉景惠持  
吾亡友羅一峯  
事狀來訪白  
沙道其尊翁  
程鄉宰肅庵  
願友之意留  
余館中數日  
贈以示詩  
儒官秋晚謝  
遲回林下齋  
扉不浪開  
顧我敢辭  
千古述  
故人真為一  
峯來風流想  
見雷封下  
消息通傳  
雪浪堆

明發仙舟聞解纜屋烏情在莫頻催

贈潘上舍漢用前韻

東山月上暮潮回誰遣歸帆趁月開  
草屋肯留潘上舍  
玉臺還對古如來  
纔看溪樹交成幄  
又見秋沙卷作堆  
半醉贈君歌亦半  
教兒還覆一杯催

予欲為一峯傳而患無所本其子梁撰事狀托程鄉  
令劉君肅菴肅庵以授其子景惠至白沙予將考  
其事實為傳無所復辭顧吾文凡吾懼不如司馬

可傳之遠景惠行復梁兄弟以詩用前韻

北海英風夢始回誰將年譜到山開忽驚落月神如在  
却對秋花笑不來雛鳳一羣丹穴內殘星幾點慶雲堆  
春秋畫筆終難擬天地斯文更著推

晚酌示藏用諸友

藏用先生門人梁文康公初字也

何處氤氲到此溪香林高樹望中迷瘦藤拄月秋山遠  
破褐隨風晚袖低廬阜亦開新洞府玉臺還是古招提  
黃柑白酒誰賓主不放今朝醉似泥

風清月朗此何溪幾個神仙被酒迷雲水此身聊起倒  
乾坤入眼謾高低因過紫極聞丹訣旋把黃金鑄水提  
問我何如蘇內翰夜觀赤壁踏黃泥

四人把手過龍溪一路梅花了不迷滄海月明三島近  
白龍天迴衆山低客攜卷子抄詩草兒上松枝掛酒提  
盡日醉眠崖石上莓苔茵厚不沾泥

涪翁指點好濂溪老眼青天醉不迷五老峯連湖月白  
綠荷風颭水烟低無窮光霽還相接太極圖書謹自提

懶與時人談此事風流真個隔雲泥

賞音無代無湏溪我為諸君略指迷開卷直疑韓愈錯  
吟頭剛向孟郊低貪修大藥遺真種爭得刀圭出粉提  
晉魏以前無近體獨憐陶謝不拖泥

東溪牽犬過西溪短屐衝烟步步迷秋竹苔深人語靜  
古壇松冷鶴巢低山花折去空盈把春酒沽來不滿提  
笑把長竿弄江月草間郭索尚蟠泥

屋上青山屋下溪溪山何處使人迷巖頭老樹排風正

門外垂楊拂浪低東渚曉烟縈舴艋西山夜雨落菩提  
涓涓却笑三江水未洗嚴光腳板泥

漁翁向夜宿何溪月色蘆花到處迷蓬背風吹黃葉過  
船頭浪捲雪山低晚來竿綫殊堪弄老去干戈不著提  
自有平生烟水分何曾軒冕視塗泥

丹青不寫武陵溪只記桃花也著迷芳草獨行山路僻  
白雲相送洞門低笑呼竹笠前頭拜交付詩囊右手提  
風月滿山關不住他時須用一丸泥

十一月梅開滿溪探花長是被花迷巖前老樹藤纏殺  
路上橫枝竹掃低香動酒卮羌欲軟影留山月不堪提  
逋仙此意還真否笑指江門屨底泥

贈朱玘還郴陽

君過衡山不上山祝融峯在有無間青燈此夜聞長歎  
白髮何年許共攀碑蹟我留諸叔久酒杯誰放世卿寬  
明朝又別東溟去還著東溟畫裡看

得賀黃門克恭書

一封初展制中書萬里遼天見起居何處江山還著我  
斯文今古正關渠傷心入夜思賢母老眼當年識鳳雛  
潁洛諸公傳不遠風流衣鉢共團蒲

疊前韻寄迺子諒

少年誰授訪之書父子元來共廣居無極渾淪親茂叔  
西銘特達見橫渠名駒獨步空凡馬一鶚高飛失衆雛  
想得趨庭詩禮罷愕然木榻對盆蒲

耳目無交不展書此身如在太清居雪消爐焰永消日



月到天心水到渠一一園花都傍暖飛飛江燕未將雛  
好春好伴須行樂東起松根七尺蒲

和元夕客中韻

人間樂事此宵同高坐春風一葦中無地張燈聊對酒  
是時聞雨不開蓬推敲一字須公得剪刻千門亦女工  
厭見乾坤多事在紛紛萬有不如空

次韻張侍御叔亨至白沙

生死遭逢未可知兩生名氏至今疑自陳多病甘為退

肯與閒愁博得衰冷雨侵人呼酒數瘦藤扶老看花遲  
繡衣未笑茅根禿來請延陵十字碑

舊事追惟喜復悲一生羸馬著鞭遲春來花鳥偏留賞  
老去膏肓更莫醫蘇子瞻家真一酒邵堯夫樣打乖詩  
同歌同醉同今夕絕勝長安別後思

次韻張叔亨宿別

春草江門綠兩涯隔江人唱浪淘沙好春剛到融融處  
細雨初開淡淡花僻地豈堪留客久連床端合拜君嘉

明朝愛得醅醕別笑脫簾蓑付酒家

次韻鄒汝愚陽江道中見寄

幾番形蹟落堪輿我亦人間一腐儒遺我數篇風格別  
思君一夜鬢毛疎未知滿眼誰能恕可復窮鄉自作孤  
十二窩中春自在打乖正坐不堯夫

春寒

江雲將雨弄春寒壞絮中宵裏作團二月北風還浩浩  
幾程西路更漫漫忽聞鶯語當窓沸想擬花枝翌日看

金匱要略卷八  
天道陰晴也無定藥爐且可共泥丸

容一之飲隣家酩酊仆地戲作

一之少有足疾扶杖

山人早挂十年筇勃率高低笑殺儂拾得田中雙草屐  
知傾花底幾郛筒虛空筋斗何妨打造次文章莫浪攻  
見說綠楊津口月玉山先倒主人公

贈曹侍御

吹斷南風雨一川畫船到處是青天公程我枉聊經宿  
吾道君憂正百年東海病夫身自遠九霄孤鳳眼將穿

不知詩史千年下誰與平章贈處篇

何宗濂書來推許太過復以是詩

後來鄉里不如前五日乾坤浪數年何地可扳文獻駕  
平生願執菊坡鞭泰山北斗諸公地明月清風病瘦天  
竊比聖門吾豈敢汗顏窓下讀來箋

題兩山居山圖為新淦李文光大賈

盤谷不知何處山君家真是兩山環萬杯春覆酒遺老  
一枕日高天與閒水墨殘巾藏措大江湖前夢說邯鄲

披圖一笑逢摩詰北汧南垞欲往還

讀林和靖詩集序

廟堂不坐周公旦到處山林有鹿麋北斗收名千古獨  
西湖送老一枰誰鶴知好客來尋主月為疎梅出併詩  
未肯低頭陶靖節掛懷身外五男兒

寄劉東山方伯用送緝熙韻

高山流水好鍾期不是西崖那得知舊雨僧齋勞枉駕  
秋風薇省近傳詩堂堂白日青天見昧昧蒼生赤子思

神爽屢交終是夢幾時攜手笑支離

寄謝天錫

不了從兼病與貧小廬峯裡白頭新  
問誰肯我同精舍垂老思君是故人  
世事轉頭渾覺夢烟花過眼可憐春  
幾時來伴江門釣開與諸孫講舊聞

次韻鄭筠巢哭子

八旬老眼為誰枯淚盡家兒不受呼  
天下誰還禁此哭人間春已背公徂  
肝腸裂斷詩能寫氣力傷多酒不扶

正坐兩州消息好不違家訓逐貪夫

次韻李子長至白沙

山轉黃雲信脚行西風吹袂五銖輕勝遊自喜多閒日  
衰病還堪逐後生白髮我因何事笑黃河人見幾回清  
看君合伴廬岡睡不獨能詩一技成

邀馬玄真用前韻

閒眼閒坐或閒行身老溪雲病亦輕客至正當秋釀熟  
船來莫待晚潮生江山偶得三人對風月還添一榻清



昨日書來張主事頭顱空訝老無成

駐屐岡頭望且行  
轆轤閒轉釣絲輕  
秋風篙楫來無遠  
夜雨溪毛剪復生  
精舍晚開諸老共  
長江東滙此門清  
李家子弟雖能賦  
浩浩之歌老更成

再和示子長

名駒千里始能行  
向許雲霄一羽輕  
半箇先天無邵子  
幾回隔壁笑侯生  
幸逢聖主重華聖  
遮莫清流徹底清  
手弄一丸無剝欠  
山林廊廟總圓成

支離病骨此閒行搭颯短蓑何太輕人世萬緣都大夢  
天機一點也長生借眠春草秋還綠偷賞黃花晚更清  
莫笑老慵無著述真儒不是鄭康成

與子長說詩忽聞有談方伯華容劉先生德政  
者因用韻以示

皇皇孔孟老于行公履何階是不輕萬有乾坤渾欲動  
一波滄海莫令生閉門想見衡山大照眼遙分楚水清  
肯為蒼生留不去三年方岳豈無成

侯玄真不至用前韻

公來不來客亦行上江船逆下江輕空聞此日悲吟在  
誰問從前太瘦生竹月曉沉山閣冷石壇秋老菊花清  
人生佳會真難必十度商量九不成

野菊籬前領客行白牛拖轉小車輕風流有樣看前輩  
笑語忘機接後生霜簟夜攤巖屋冷月瓢秋泛釣湍清  
東溟望斷漁翁地只賣江門一券成

次韻羅冕

高笠短蓑吾不疑白頭真結兩生知天生男子非無事  
公是閒人莫廢詩十月酒多留客久千峰月朗閉關遲  
夜深自弄江門篴驚起前灣白鷺飛

送譚士

闕

春試次世卿韻

山藤短窄製蓑衣獸錦長披力不支  
挿帽有花羞我老  
釣詩無酒送君遲相依綠樹聞歌鳥  
肯著黃金買侍兒  
草尾河南俱有識不知來歲狀元誰

種梅

晚從種樹作生涯十一月梅移帶花根著不隨風偃仰  
牆低惟信月橫斜夢中山我羅浮到雪裡詩誰處士嘉  
君欲尋梅何處是江門樵路更旁叉

種樹

早雨山泥滑屐牙瘦藤扶路入雲斜東原綠映西原白  
一徑松連兩徑花寒夜試看殘月掛春風須著短牆遮  
江門亦是東門地我獨胡為不種瓜

長日山齋不弄棋只憑種樹遣哀遲小將梅逕分枳殼

不怕松根奪荔枝帶雨烟光春淡泊隔牆花影晝離披  
等閒俗計休相貼拄杖來看又有詩

元旦次榮數韻

謝梅開杏了何疑一節花應一節知拍岸綠波春映閣  
轉枝黃鳥日撩詩江山若惜開懷早歲月偏驚聚首遲  
繫馬玉臺重引望白雲閒與鶴同飛

輓黎雪青

詩草人收味月亭先生何處獨登瀛山雲自映新墳白

齋榜空懸舊雪青到了有生還似寄尋思是夢不如醒  
祇應更坐蒲團破讀盡琅函幾部經

劉進盛書來勸著述用舊韻答之

一入商量便作疑可堪垂老更求知追陪水月惟湏酒  
管勾風光却要詩孟子生憂傳道廢仲尼不怕著書遲  
青天試問東南上何處凌空拄杖飛

用前韻寄羅養明工畫作

東西舉踵笑人疑種種邯鄲夢豈知風雨揮毫千丈竹

江湖回首十年詩數杯歌舞嫌春淺高枕乾坤得老遲  
聞道一枝棲亦足刺天那肯逐羣飛

玉臺次楊敷韻

笑倚長松咏晚臺三三兩兩共無懷人間紫府千回夢  
我共黃雲一路來鹿洞當年尋李勃鵞湖今日想東萊  
將軍夜半還能飲欲引東溟入酒杯

與楊敷投壺

矢戰輸贏更不疑老年精力此壺知君期大捷休疑手



我放微酤好賦詩三舍避人心每下一牀對此意彌遲  
乾坤妙用安排外肯放絲毫到奕棋

楊敷別後有懷

春潮渺渺獨乘槎春雨霏霏別釣沙海味豈能甘此客  
華山真本屬吾家青垂綺陌千條柳紅脫荒溪幾樹花  
老脚尚堪遊走在紫藤高挂赤城霞

江門春雨送歸槎破帽排風落晚沙向暖野鶯猶戀樹  
感春遊子未還家山瓶免續沽來酒草閣空殘別後花

卷八  
明日越王臺上望白雲何處香飛霞

贈趙日新還潮州

千里徵文到此堂東風歸棹夜相將  
雨餘帽頂天如洗  
花落船頭水亦香  
考德每勞休講席  
臨流親為瀉椒漿  
潮人共守文公教  
趙德文章獨擅場

送順德李縣幕岳兼呈吳明府

江上清風不卷沙  
山中濁酒未藏家  
數杯送客發孤唱  
半醉扶吾來小車  
莫使長官愁案牘  
當令滿縣種桃花

敝居正在廬山下幸不來時路口又

春日偶成

蛺蝶飛飛花映窓流鶯恰恰柳垂江出牆老竹青千個  
泛棹春鷗白一雙暖日暄風酣獨卧來牛去馬亂相撞  
江山指點非無句誰致先生酒百缸

贈余進士行簡別

行藏今古漫云云誰把妍媸鏡裡分鄉里論年多拜我  
雲霄步武不如君短檠課好都黃甲獨板門深只白雲

欲識江門臨別意東風吹面酒微醺

雨中偶述效康節

江門何處遣詩懷風雨終朝閉小齋同社客來休見問  
卧家人懶不安排烟浮石几香全妙露滴金盤酒極佳  
半醒半醉歌此曲不妨餘事略詼諧

今雨還留舊雨醺滿襟涼氣似秋天偶因門外無來客  
得向山中作睡仙樽俎喜歡朝暮醉鶯花撩亂兩三聯  
只消詩酒為堅壘肯放閒愁入暮年

山房四月紫棉衣無奈連朝雨欲欺老去杖藜終穩便  
朝來花酒又淋漓昔賢曾共骷髏語今日寧求俗子知  
莫笑狂夫無著述等閒拈弄盡吾詩

次韻李憲副留別

一莖白髮未生鬚四尺黃金猶帶身歸去且看湖上月  
相思還慰嶺頭人情關遠別詩難寫花不能言鳥為申  
紫陌朱門天上事華山都道不如貧

次韻薛廉憲見寄

華袞之褒非所敢當惟喜詩律之嚴整命童子作越聲歌而和

之耳謹依韻一首錄上不俟傾蓋之愛與  
區區頌禱之忱一寓于此惟高明察之

嶺表生民澤可涯九泉吾恐躍枯骸豁開天日驚人眼  
指點江雲詠此懷弄釣不生鯨尾浪入山休攬鹿門鞋  
松根坐滿廬岡月夜引壺觴望泰階

承白洲李先生見惠白米蛇酒香茗諸品不勝榮  
感用韻以謝

舍釣開緘綠水涯偶來雲水弄衰骸即炊雪粒供朝饌  
便瀉蛇漿放老懷海上旌旗頻照眼中塵土未沾鞋

廬岡此日還精舍賓主何時更兩階

次韻劉程卿至白沙

七月紫蘭開我家是誰醉插滿頭花千峰有客同文酒  
三日無錢落畫叉製錦手將龍補袞釣魚船載月橫沙  
人生出處各有意敢向秋江問去車

九日小廬山示諸友

九日風光滿薜蘿一年天氣最清和泛花殘小潘郎醉  
擊壤聲高葉子歌東海傾心狂措大南山當面老頭陀

謝生愛卜蔡根宅說道蔡根月更多

九日下廬山

秋風浩浩洗芳蕤瘦盡千峰鴈始飛南海一波長不定  
西山半面却疑非醉拈秃筆題蒼壁笑揀寒花弄彩衣  
樂意滿腔推不去狂歌待得晚鴉歸

奉陪方伯東山劉先生往匡山舟中作

且作東山管病翁乾坤今古笑相同高松落落都擎日  
寒水粼粼又起風附子大黃天下藥蟲妖鼠怪世間兇



數聲鼓角滄溟暮，奇石船頭鬼拜公。

東山至厓山議立慈元廟，因感昔者夢中之言成。

詩呈東山

海上一陵何處封，劉翁今日問陳翁。  
天翻地覆諸王世，草死厓枯十月風。  
慷慨尚餘精爽在，依稀猶作夢魂通。  
江山指點真還我，棟宇商量果待公。

元日有懷楊榮夫示陳東淵

今年酒不對榮夫，未歲東淵對我無。  
人結靜緣依嶺屋，

日浮春色上桃符  
哀鴻叫月今何向  
野鶴穿雲不受呼  
老得身閒須愛惜  
蚤馳虛譽費支吾

代簡答林蒙庵先生

空山歲晚未逢君  
天許窮交只白雲  
賢聖中庸非我夢  
東南風月可誰分  
浪求去馬真堪笑  
欲報來鴻未有因  
千古遺篇都剩語  
晚生何敢復云云

蒙庵問  
所著書

次韻興化王太守諸公會飲顧通府宅見憶白沙  
聯句

兀兀騰騰且白沙鐵橋歲晚未移家子規枕上無人喚  
枳殼江邊有酒賒萬物有成寧免壞百年無喜復何嗟  
漁翁欲語滄溟外安得諸公共釣槎

次韻顧通府擬歸索和章

山居還有事權無童子朝朝告水符我得此生真得矣  
公知人懶不知乎一春花鳥篇章廢萬里雲霄羽翼孤  
惟有白龍池上月夜深來伴老樵夫

眼中魚鳥異飛沉天損真誰不受侵別駕何須稱我病

諸公那肯借人深三年入報天官政再命來腰刺史金  
何許幔亭君欲去虹橋跨月幾千尋

次韻吳獻臣明府

白雲流出一溪閒照見人間笑笑顏年少不妨投書早  
路危須信着鞭難乾坤許我具雙眼名利真誰破兩關  
千古伏波如白日等閒猶謗載珠還

千古聖賢孰與閒潁陽剛好對商顏看來彭澤都無累  
歸去柴桑便不難踏裏嬌兒方偃蹇登高羸馬怯間關

思君坐歇江亭雨何處蒼烟鳥欲還

小酌次韻

清齋不厭紫芝貧夢裡衡山欲借春日麗好花花當妓  
水流孤月月隨人香醪數斗過伏臘高笠一流無主賓  
醉睡不知春事晚風飄紅雨點苔茵

次韻世卿贈蔡亨嘉還饒平

大佳居士此彈琴誰繫孤舟僻渚尋滄海我真忘僻遠  
雲山公肯到高深鼠肝蟲臂都歸幻雪月風花未了吟

滿眼欲知留客意廬岡孤月正天心

林子逢至白沙作示之

舊雨還君紫菊詩秋風過我白龍池應看衰俗人情破  
肯放中流柱脚歌弄影果誰非稚子請纓正自不男兒  
人間若問逍遙化紫極宮中有一碑

世卿赴順德吳明府之召五日不返詩以促之

何處千杯一放歌楚雲剛好共婆娑百年幾見都難說  
一日三秋不啻過笑索梅花催拄杖照眠山月滿行窩

高溪遠卜衡陽下，却到而今夢更多。

今雨相逢聽此詞，江門漁父老婆娑。  
紫霞酒錢千回醉，黃鶴仙人兩遍過。  
遮莫支離親藥裹，何曾造次出眠窩。  
廬岡準備明朝飯，小市津頭蚌蛤多。

一之夜歸自楚雲臺，失足墜臺旁溝諸生拽出之。  
予聞大笑與世卿各賦詩唁之。

力危掉却手中筇，正賴諸公救得僂。  
橫加斷岸懸雙足，滿吸清溝到幾筒。  
綿力不禁心轉怯，衰年長苦病交攻。

無端輕洩天機破能躍能潛果在公

次韻顧通判夜泊江門見示

病裏春秋六十更酒杯無日不淵明  
還將白髮供人事自許青山不世情  
版籍又勞今別駕風花帶管老先生  
紅蕖綠浪江門路肯放孤舟半夜行

送羅服周解館

戀戀江門愧爾曹不離酒處見揮毫  
等閒歲月拋鉛槧不賣聲名到桔槔  
幾個兒童供白髮一年燈火伴青袍



看花肯續春來約莫待黃鸝辭碧稍

尋梅飲李鴻宅用服周韻

應有花神候水西曉林香霧隔窓迷君謀萊婦肯沽酒  
我愛孤山來杖藜香影句中無樂府梅花村裡有招提  
東風未到春先到莫向南枝著眼低

次韻顧通守

到處能開觀物眼平生不欠洗愁杯  
窓前草色烟凝綠門外波光月蕩開  
歌放霓裳仙李白醉空世界酒如來

春山幾幅無人畫  
紫翠重重疊晚臺

留世卿飲用前韻

大厓居士且徘徊  
老婦家中喚洗杯  
園花當檻春饒笑  
竹洞封雲晝不開  
一冬菜飯留君住  
萬里風船破浪來  
若此詩情似坡老  
楚雲臺是妙高臺

與雷震東

何處黃公客欲還  
黃公山亦小廬山  
往來雲水兩三輩  
粧點春風花柳間  
岳色曉行湘浦望  
湖光晴到洞庭看

有詩都點逍遙送九萬扶搖一日搏

與雷震陽

近午黃鸝鳴樹樹深春紅雨落山山誰開燈火書帷地  
郎在丹青畫幅間醉墨收歸湘篋富狂詩抄與郢人看  
牆隈只欠梧桐樹高翼還隨老鳳搏

與李巖

野鶴將雛到海還楚雲歸夢幾鄉山羨牆見我三湘外  
歲月還君五嶺間杏苑不禁春意鬧美人爭捲繡簾看

長安莫買垂崖醉太華長留睡老搏

次韻顧別駕江門夜泊

雲卷晴波千里白帆收落日半江明遙看烟際樓臺迥  
不受人間鼓角驚碧玉偶逢須著眼黃花已過更揮觥  
眼中別駕如君少傾到尊前接後生

次韻伍南山賀碧玉樓新成

脚底江山不浪開小樓占此是天裁光流南極窻前枕  
春滿東溟掌裡杯碧玉久亡今復見白雲朝出暮還來

梅花又報羅浮信月上江門載影回

百尺空中天眼濶三更月底夢詩成安排枕几還公睡  
已有闌干信客凭鄉里過從廬行者海山或遇羨門生  
當年碧玉無留賦何處青雲更擬陵

再和碧玉樓韻

乾坤真妙此臺開一一皆因造化裁  
意了梅花難著句眼空江海笑浮杯  
未分無極源頭在誰畫先天樣子來  
碧玉樓中間隱几千千山遶又川迴

讀世卿蓋卿挽五羊鍾狂客卷次韻

李家兄弟各才良誰為酬知水鑑光天地好人還自好  
古今狂者豈皆狂碧油帳遶青絲鞵紫錦囊封白雪章  
萬里平江能送我十年燈火夢淮陽

次韻見訪

春曉不倚巖上扉遶闌紅紫欲開時花來勸飲誰禁得  
天不能歌人代之滄海滙為雙帶遶青山高起百重圍  
赤泥居士來相訪袖取雲笺月下吹

飲酒

酌酒勸公公自譌三杯無奈老狂何坐忘碧玉今何世  
舞破春風是此蓑一笑功名卑管晏六經仁義沛江河  
江門詩景年年是每到春來詩便多

君莫停杯我為譌我今忘我是誰何避人懶弄船頭笛  
對影非無月下蓑廬阜春雲眠華岳江門秋水釣銀河  
竹弓挽住閒人手漸覺年來射鴨多

再依韻答子長

罇酒相逢喜欲譌  
眼中人物又如何  
山光開戶青遶几  
草色停舟綠滿蓑  
東泛與公剛到海  
西遊去我莫踰河  
古今勝負彈碁手  
閒笑人間局面多

聽到人間寧戚譌  
馬周無病謝常何  
江邊野艇眠依竹  
日出東山催着蓑  
自古或由詩入相  
如公真有口懸河  
山樓盡日同揮瑣  
花落黏罇晚更多

逍遙華頂放仙譌  
華頂不登君謂何  
仰攀明月天幾尺  
中借狂夫地一蓑  
亦見軒轅來鑄鼎  
不聞夫子歎臨河



赤城路隔芳菲斷一醉碧桃春更多

張主事報林縣博歸過五年用飲酒韻

太白峯頭太白謫太白不歸天奈何風雨驚回一場夢  
江湖拈起十年蓑山僧借諭葫蘆纏武帝收功瓠子河  
若道維摩元示病老夫當日病還多

張地曹見和飲酒數篇復韻答之

若比漁翁別調謫不將遺響弄陰何往來釣瀨生春水  
多少歸人著舊蓑學士有牋飛紫禁

張東白上  
疏乞歸

東山無

計謝黃河

劉時雍修黃河

閤人只謾閤料理春雨階前草又多

將至廬山有作和吳兆麟

欲翕還舒雲以之半陰半晴三月時君謠一曲來陶謝  
我把諸峯坐武夷岸夾桃花藏釣石春來江水入園籬  
孤山蕩破廬山影看到廬山幾丈詩

和景浮遊山

樹底樵歌鳥欲飛澗邊苔色上人衣碧雲洞杳春蘿合  
紫巖山深舊路微問我行藏今老大伴人遊走只童兒

采芳莫道無年少，領得濃香滿袖歸。

青雲偶共白雲飛，白雲間映山人衣。  
一路風光春淡泊，隔林烟靄畫霏微。  
江山到我無前輩，造物磨人是小兒。  
花下一壺休瀉盡，明朝留得送春歸。

得世卿書訝其大略

曠年為別此封書，應是山人半醉餘。  
海月開罇聊復爾，楚雲回首問何如。  
春來幾處藩籬破，老夢千年木石居。  
笑割衡山共君老，黃公何處且茅廬。

黃公世卿  
住處山名

答世卿書

報答還山第一書筆端有眼笑談餘行藏付酒君亦醉  
兄弟論文我不如高榻忝同他雨坐西山剛對此溪居  
因君料理安身處多少人間未結廬

追和劉文靖偶得韻

千峰賒月飽清真到處風花對賞新菊徑宜無蓮社酒  
遠師當與長官親經綸誰試期年手著述空嗟百代人  
安得畫師深此意不將朱白浪描春

三復遺詩有訂頑月中顏色見松關頭顱本自成三極  
噓吸猶堪塞兩間老至不知何歲月古來無恙此江山  
莫輕語默論前代天與閒人賸與閒

吳明府約過廬山不果使人送菊酒至用世卿韻  
答之

合是先生酒處偏菊邊月下不能眠兒哥野酌三杯後  
花近藜牀二尺前大塊了空無極眼濂溪分付小圓圈  
長官解記廬山否略欠廬山一日緣

次韻顧別駕奉寄彭司寇

序云別駕顧勉庵聞司寇彭從吾先生得請致仕還莆賦近體詩二章賀之為僕受知於先生者不可無言既示之詩尋又以簡來促因述所聞附其韻為和答之詞非所欲聞於司寇者也

仕還莆賦近體詩二章賀之為僕受知於先生者不可無言既示之詩尋又以簡來促因述所聞附其韻為和答之詞非所欲聞於司寇者也

今代為官到六卿閭中此老最先榮  
面前路濶身須退  
關下人嗟代有名  
晚秣還家新釀熟  
溪鋤試手藥苗生  
相看不厭壺山好  
笑拂松根坐月明

二疏誰叅漢大夫  
都門今賣送歸圖  
豈無經濟酬當宁  
已道頭顱非故吾  
自古功名關寵辱  
幾人廊廟不江湖

水蘭之水清無恙以配先生不可乎

嘉會樓上梁和顧別駕

遠離聲跡入無無又向人間見此模老去虛譽深自愧  
古來名教要人扶每留半餉陪諸老絕勝扁舟在五湖  
頗憶當年興國寺樽前高論欲何圖

用顧別駕韻奉答熊侍御

遠之非有近非無草色花香造化模俄頃笑談飛鳥過  
丹青樓閣為公扶烟霞舊隱移匡阜水月新整有鑑湖

金匱山房詩集 卷八  
若個江山可藏拙幸來相賞莫相圖

壽王松坡用西涯韻

清戎王  
侍御父

雪晴驄馬自知津誰道梅花不是春  
玉節趨歸生日酒松坡未了白雲身  
父子箕裘真有是江山富貴小看人  
往來獅子峰前路洞口榴花幾度新

待黃太守見訪時當考績入京

端陽春好是公開公莫朝天不放回  
肯來嘉會留一日更傍梅花勸幾杯  
踏歌漁父江邊醉吹蘧仙童海上來



問我擁旌何處客畫船撐月此徘徊

病中寫懷

世間賢智皆青瑣海上田家只白雲多病一生長傍母  
孤臣萬死敢忘君諸公莫要連章說先帝曾將短疏聞  
何處擁旌來勸駕買羊沽酒惜殷勤

總為功名欺白髮不將富貴薄秋雲雖然久病無官況  
每拜名香祝聖君九十萱親誰待老幾莖竹主話空聞  
定山何處無來耗惹得江門夢寐勤

送左秀才次韻

脚底千峰不作難天涯相望幾間關  
孤村水月能看客一路梅花直到山  
畎畝未應同我病乾坤那肯放人閒  
東南更有春如酒肯到明年二月還

雲蘿處士挽詩

誰開三畝臥雲蘿洛下元稱安樂窩  
風月尚留詩卷在經綸只放酒杯多  
身將沙鳥還賓主情擁山花當綺羅  
四十五年成一夢乾坤回首悵如何

次韻汪御史留別

百代文章百代儒，小將碧玉贊黃虞。  
功名路上多塵土，桃李人間見此夫。  
頃以高談知識量，未聞俗態是規模。  
不因指示晨雞唱，白日誰知有兩徒。

張生以詩來謁次其韻答之

閒坐蒲團幾個穿，晚留一影畫魚船。  
日長睡榻千峰裡，春近柴門五柳邊。  
在處雲山皆我樂，後來衣鉢是誰傳。  
諸生莫有登瀛步，愛結而今病鶴緣。

八年春部書復至顧別駕以兩司之命來勸駕用  
舊寫懷韻賦詩見示答之

恰恰啼鶯初變樹翩翩官騎忽穿雲  
杯觴花底香迎客  
鼓笛樓前闌送君  
老態一時都共見  
公謔三疊敢相聞  
白頭空有丹心在此望天遙感戀勤

其二

名教可尊誰敢後  
少年空有氣凌雲  
得終殘喘留將母  
直擬孤誠死報君  
俗變唐虞今日計  
德高堯禹萬方聞

太平何處無歌頌，卧聽蓬萊擊壤勤。

贈林府尊

收斂精神入太清，藉茅無計遣書程。  
兩三別駕風隨動，十數花封月最明。  
露冕江山無愧色，攀轅天地有真情。  
東風欲別仙城樹，滿路啼鶯是頌聲。

壽月溪翁為順德主簿張如玘

花影搖溪水半篙，晚風送上釣魚舸。  
乘流曳轉波間綫，擊楫歌翻月下騷。  
元亮此生惟盞酒，瑤池何日更蟠桃。

隣封主簿徵詩急再拜江門致幣勞

次韻鄭筠巢早春見寄

城郭塵埃不到身扶溪看老百回春里中物態渾非舊  
牆外桃花只賣新此老直於三代見諸郎雖在一官貧  
楚天何處堪回首目斷襄陽不見人

次韻王樂用僉憲見寄

七十餘年未覺新耽眠猶是向來人春杯斟盡啼鶯外  
晚笛吹殘釣渚濱人世謹防開眼錯此懷得恐到頭真

青山果是無心出何處眠窩共卜隣

次韻孫御史別後見寄

冥冥宇內繆相賢處世如撐石瀨船赤土喜逢三日雨  
清談留到二更天山中宿鳥知投樹水底潛魚不離淵  
明日畫船賓不顧游龍翔鳳有來篇

白髮滄波了歲年偶逢佳客話延緣鳳毛五色能驚世  
駿骨千金表好賢索莫杯盤津口月掃空雲霧水中天  
寧知此地千年下追詠能無千載前

次韻張侍御叔亨見寄

月出不扁溪上門白頭漁父向人言扁舟自唱濯纓曲  
四海共知明主恩小飲未嘗沽市酒狂書時復弄茅根  
相思也有臺官夢夢見當年佳處村

家國不分無二門君今與我皆忘言五倫首重君臣義  
一體元同骨肉恩長養嘉苗休失實剪除惡木不留根  
他年我見張文獻異代風流嶺外村

北溪容球來訪答之



孤月正酣東閣睡清風又到北溪船看君迺出諸客右  
問我何如十載前劍氣燭天堪引望桃花照眼未須憐  
山中碧玉仙家物已證先生作睡仙

三月風光遍海堦誰家園裡棹觥船一身變理三杯內  
萬古乾坤半醉前幾度寄書言自愛何人挈榼荷相憐  
自從托契中山後却笑他仙是鬼仙

鄧俊圭喪兄慰之

每恨思君不見君一哀何處隔秋雲客來每及難兄問

金少卿集卷八  
訃至那堪故友聞碧玉三年空枕塊廬岡四尺自封墳  
青天幾度看明月骨肉無言兩地分

次韻王叔毅弘行人見寄

駐屐花邊聽鳥音青山何處想登臨肩頭伊尹方能任  
腳板鴟夷未了心歷歷更宜觀往古炎炎何敢羨于今  
相逢杯酒喜共醉相憶詩情還自深

高樓何處可逃名說著衡山便有情不住三年思乃舅  
可無一字寄金陵麻衣豈是無高論若水還應作貴卿

他日五峯供我粥不知誰是老門生

次韻余行人濂見訪

年富豈知行路永眼高猶喜閱人多  
荒村古木雲長鎖白鳥青天水不波  
老竹忽看高鳳下短牆無算小蟲窠  
憑君寄語東山道神禹無功在九河

贈劉秀才

江門舊雨長公詩今日江西學者師  
弘治以前無此詔宮牆之內少人知  
詩書豈但供時好進退多應與世疑

百歲光陰同轉瞬老夫雙鬢已如絲

次韻答張天祥秀才

十處尋芳九處空  
逶隨溪舫訪溪翁  
請還几杖歌春鳥  
學製綸竿弄晚風  
幾樹江山憐晚暮  
十年遊走羨兒童  
張生來問衡山道  
又問衡山孰我同

次韻孫御史擬弔崖

瞬息人間三百年  
尋常興廢不須憐  
崖州此死終無補  
中國何年壞守邊  
信國不來知有罪  
魯齋當仕豈忘天

太空不語乾坤病萬歲千秋老淚漣

容彥禮率諸弟同在館下彥昭彥禮彥貞相繼而逝彥潛今又卒感而有作

水光山色兩依然不見當年載酒船老我交遊疎後進

君家兄弟散朝烟兩峯

彥昭號

腳蹟今安在

彥昭常遊永豐江浦謁羅

一峯莊定山

彥禮碑詩久未鐫

某欲為彥禮墓誌未刻

莫道江門空識

我千秋遺話及璣璿

悼彥潛用原韻

山樓耿耿夜燈然誰借東良一日船淚逐花溝因暮雨  
愁迷鵲樹慘朝烟養生有命妨新學入社無題侈舊鵲  
瑩次若將昭穆定九原新兆有東璇

次韻劉少叅嘉會樓

九曲江邊一小樓滿川風雨夜來收扁舟東泛桃花水  
香徑旁通杜若洲樓下脫蓑眠翠浪樓前揮袂揖浮丘  
公來二月春多少兩度詩筒向此游

天氣初炎過此樓江邊春色未全收烟消垂柳初凝岸

風通平荷尚隔洲破屋數家還碧玉好山何處更丹丘  
兩公勝會真難遇結綺臨春是別游

寄李世卿

再過湘江踏浪過一帆西去傍烟蘿家臨漢水心無住  
人到衡山興亦多豈是兵戈愁阻絕不因婚嫁笑蹉跎  
白鷗肯信閒於我也解忘機浴遠波

湖北竹枝高自歌釣絲千丈引垂蘿烟霞脚底真曾到  
歲月人間頗厭多雲水與君終浩蕩題絨寄我莫蹉跎

秋風稅駕衡山下共泛清湘明月波

次韻張東所元旦見寄

未到朱陵古洞門一封先荷沈公恩  
睡窮殘臘還憂病吟倚東風欲斷魂  
紫蓋不知誰是主青天無盡鳥空鶩  
山人只合山中老一歲桃花種一根

再用韻答黃大叅見寄

數篇何處好懷開疑是江門得意回  
嘉會樓前曾駐節芰荷香裡小持杯  
急呼童子燒香讀重遣黎生送酒來



咫尺端溪不能到只憑清夢與徘徊

別來幽抱不曾開長夏思君日幾回使我能吟白雪曲  
須君共對紫霞杯凋零老鬢尚未已狂殺春風肯再來  
莫為廬山動歸興紫薇花下少徘徊

答鄧督府

不見如今五十年賢關風韻想依然衰齡我有無窮朽  
督府公通第一箋願托經綸均嶺海莫辭將相作神仙  
孤山鶴啄孤山月不要諸司費俸錢

次韻臨汀鄔先生

水滿江門弄釣時一篇誰借病翁詩忽聞天外舒長嘯  
都與人間作廣基海月偶紆南海望風花未遣北人知  
欲知此後相思處千載神交在舞雩

贈童子久住侍父入京

還著小坡隨長公天葩未吐孝經通青襟誰不羨童子  
白髮我徒成老翁曝日家聲從此大凌雲氣魄益人雄  
曲江清獻鄉先達敢道後來無此風

三贈文都

小住江門四十年，隔坡相應荷相憐。  
窻開四面客通刺，酒覆三杯月到船。  
身上紫袍知有相，畫中碧眼亦真傳。  
明朝庾嶺高回首，萬里晴波正接天。

靜軒次韻莊定山

崆峒道士出山頻，還入崆峒作主人。  
當說夢時都是夢，未逢真處更求真。  
蒲團坐破千峰目，信手推開六合塵。  
無極老翁無慾教，一番拈動一番新。

次韻奉答廷贊別駕王先生見寄

年去年來無復年  
浮生此夢尚依然  
不知草閣千峰外  
坐到蒲團幾個穿  
馬跡交時驚亦進  
鳥鳴哀處鳳還遷  
兗州別駕憐同姓  
不欠人間二頃田

次韻梁平樂見寄

江山吾愛艷陽天  
花柳青紅共一川  
眼底祇應無外物  
筆端何病不能圈  
幾番作夢因何事  
兩度傳緘莫有緣  
共語喜逢丘御史  
沉疴端為長官痊

次韻答太虛上人

雨過山中百卉寒人間回首又春殘徒聞有病肱三折  
未試回生藥一丸石洞棲賢終苦節太虛持律最清端  
年來雖闡蓮經教却與無言是一般

次韻沈督府見寄

誰是朱陵洞裡人世間此畫合描真一瓢未醉山中聖  
七字先傳筆下神青玉有期看我老紫芝無語為誰春  
還公一岳一萬丈半點飛雲是近隣

不住東西四百峯  
鐵橋山淺笑迷踪  
喜聞世外無塵地  
來伴巖頭掛月松  
藥鼎便分煨芋火  
道人元是賣薑翁  
先生數上衡山頂  
紫蓋峰前望白龍

壽吳黃門母

何處思親錦卷封  
荷花高映壽顏紅  
喜看還雜來天上  
不覺依稀是夢中  
幾歲風光依北極  
半簾月色見真容  
不辭頌禱遙相賀  
却對江山語未工

用筠巢翁韻兼呈翁

酒處能歌未盡陶還從酒處說功勞每因興去開三徑  
日對花來醉幾遭春意滿胸成浩笑花神覲面見揮毫  
南山向晚無真意只謾悲吟也未高

邱報劉亞卿先生以今冬十月得請還東山喜而  
有作

衡岳五峰青貼天諸仙高步碧雲顛特書八字非常見  
遣告三生是別傳一壺想共朱陵酒七字先哦紫蓋篇  
紫蓋  
山名  
今夜江門看邱報東山元與岳相連

和答李子長見寄

賢聖由來病有之，那堪一病屢移時。  
心寬不怕思眠早，性慢終應得老遲。  
白首喜同湛雨坐，青燈細話子長詩。  
定山却喜劉文靖，賢輩如何都不思。

次韻莊定山曲阜道中

曲阜之民如崇陽五畝之宅樹，以桑太牢不驚天子詔。  
百里豈負聖人鄉，爭得綠蓑插羽翼可憐白髮來羹牆。  
先生也未忘洙泗獨立源頭一詠長。



次韻莊定山謁孔廟

六經如日朝出東夫子之教百代崇揆之千聖無不合  
施之萬事無不中水南新抽桃葉碧山北亦放桃花紅  
乾坤生意每如是萬古不息誰為功

卧游上游莊湛民澤

上游洗足意如何到我來時還放歌秋半寫空迷菊酒  
月明舞爛釣江蓑閒將野馬為賓主笑把山花當綺羅  
人道上游真個好上游固好遇人多

黃雲之高高幾何黃雲山人發浩歌短響入雲白雪曲  
長裾拖地赤藤蓑黃鸝自愛藏深谷野鶴高飛出尉羅  
山路相逢休問訊山靈掩口笑何多

次韻張主事答鄧督府

萬古人心萬古天江門漁父笑空眠幸逢嶺外千山靜  
共荷臺端一老賢羣趨豈尚班行簇美譽當今世代傳  
却憶東山天下望不留今日鎮三邊

撥悶謾書

撥悶江樓病有詩詩成即事直堪嗤江山莫歎無前輩  
造物何嘗不小兒物遇歲寒形至性天于定後見真機  
大易發揮羣聖達碧玉山人近有詩

自怡堂為增江湛演題民澤世父也

十畝林中半是塘一蒲團卧花中央百年真樂起人世  
萬壑清風在此堂洗足正當鐵橋水振衣小坐黃雲岡  
四百影斜孤頂月任是神仙也括囊

丁長官祠秋祭示里人

蒼涼月色皎秋晴海濶天高思已冥當日疲癯均乳哺  
于今畎畝盡牆羹一祠已表桐鄉愛列傳還須國史成  
霜耀星華朱鳥上水涵山骨鐵橋清

夢莊定山遣使來問夢中以詩答云

定山歸後再清康夜半呼兒喜欲狂夢遣長鬚來問病  
故應早歲見羹牆文靖一生隨老筆太虛四大作禪床  
南北地殊生異世先生何處問行藏

曉枕

碧玉山樓曉枕眠，獨吟樓上笑陽關。  
人世誰為兒女態，道流空說化形仙。  
衡岳開山秋正好，壽陵望岳地相連。  
碧雲野路無羈絆，五尺丹藤兩屨烟。

答雪齋先生惠歷

滄波老父多閒日，碧玉先生著破巾。  
一榻久便深谷卧，百年長借內臺春。  
新書每用知時令，寵貺多應及里人。  
鶴舞雲飛皆得意，坐看百粵盡歸仁。

次韻吾縣博見寄

黃菊開時霜滿林  
山風吹冷薜蘿襟  
肯忘沂水歸時詠  
也到廬山酒處尋  
自得不須言有命  
太虛元只是無心  
白頭不作人間夢  
一笑江門契亦深

次韻鄧督府見寄

眼看百物隨時過  
路有千岐到處多  
想見精神官裏坐  
不離文字手中摩  
白衣管領千峰醉  
黃菊商量九日譌  
堯舜浮雲無一點  
廬山何敢更嵯峨

衡山和李子長見懷欲過江門

新詩把讀大開懷久病諸生擬到崖身上綠蓑都舞破

雨中黃葉忽飛來酒逢菊日何人送

子長八月五日書至江門與重陽尚

隔一月已言菊日者識喜也詩人興到落筆類多不實如此云

月照柴關每夜開廬阜

歸來見束髮華陽巾好為君裁

秋來風月不開懷暮遶朱陵百丈崖青玉拂開壇上舞  
紫鸞搏入手中來野心雲水潛孤笑老眼乾坤病一開  
誰道李家無子弟紫冥句在不堪裁

再次韻答子長

懷極開懷是惱懷捉君手拍到天崖杖桃南極星隨去  
人到西山鳳不來久坐或聞仙馭過登高時見洞門開  
誰知山石書題遍笑倩何人為總裁

次韻汪鼎夫侍御壽母生日

可恨白雲無羽翼白雲朝暮在江南君親於我皆無  
盡忠孝須君兩不慙錫命有封當第一折肱治病不  
論三高堂壽筭重陽近又借黃花一度酣

次韻吾縣博登嘉會樓見寄



醉下江邊百尺樓浩歌一曲有陳留想當詩舫忘眠夜  
正是廬岡見月秋青紫要途何足顧江湖豪氣未全收  
去尋野馬氤氲地即是人間第一流

贈林教諭汝惇

舞雩聲響在春殘只隔人間幾片山偶此通名秋竹院  
共君弄艇蘆花灣常於嶺右觀諸夏剛被梅花送一寒  
普贈乾坤唯一點萬古長留宇宙間

贈鐫者何侃

一鐫一字一磨礱萬歲千秋感激同未蠟碑前元屬我  
到書丹後却須公萬里雲霄回鷺鷥滿池風雨舞蛟龍  
不知費盡閒心力誰傍斯文與計傭

贈何侃如潮州刻三利溪記用潮州見寄韻

咫尺荊州地肯容清光偏照華門中獨憐孺子才堪賞  
不道詩人巧更窮已見千碑傳好事可辭束帛聘鵷公  
潮陽父老如相問為說周陳共此風

九日和朱子韻示陳冕

正是詩忙酒亂時滿樓風雨不須歸  
碧苔院裡多秋色  
紅樹溪邊又夕暉  
九日共餐花有菊  
暮年誰羨錦為衣  
滄江野艇來何處  
遙望孤雲在翠微

答馬龍惠筆

揮毫殺盡山中兔  
雪管秋風又到門  
入手當為天下技  
禿頭終瘞水邊材  
八分墨妙還江浦  
科斗書成也狀元  
思與兩賢同把筆  
夕陽江郭斷離魂

未推賢輩上騷壇  
宗廟前頭有一門  
已近宮牆窺此道

恐如遊騎走他村圖書有秘誰先覺坤復求端我亦元  
到得滿懷風月在不妨行坐弄吟魂

示諸生

無我無人無古今天機何處不堪尋風霆示教皆吾性  
汗馬收功正此心水火鼎中非玉液鴛鴦譜裏失金針  
道人欲向諸君說只恐諸君信未深

浮生擾擾白頭新又見人間一度春爾輩何時宜發憤  
老聞夜雨欲傷神此身天地逢人少落日江門叫鶴頻

為報楊朱莫相笑孟軻不是褊心人

聞緝熙授平湖掌教

偶從道路得行藏南北音書又一鄉  
溟海心情真自遠  
平湖風月可誰將  
山中舊坐香根老  
耳畔新聲木鐸長  
衰病未知何日起  
扶留窻下正抄方

次韻廷實示學者

樹倒藤枯始一扶  
諸賢為計得無疎  
閱窮載籍終無補  
坐遍蒲團亦是枯  
定性未能忘外物  
求心依舊落迷塗

弄丸我愛張東所只學堯夫也不孤

讀茂卿次韻呈定山先生詩有夢入羅浮之句用  
韻寄答時世卿在白沙

鶴避茶烟信有之買田招鶴是何時百年睡息深華岳  
九曲歌聲斷武夷有客到齋言種樹呼兒插柳當編籬  
誰知萬里東橋月夢破羅浮亦有詩

東橋茂卿佳處

彼此衰榮更共之年過六十是衰時藜羹頗恨無萊婦

卉服都忘在島夷水暖河豚吹細浪露寒秋蟬過疎籬  
江天好景無人畫每要先生藉入詩

太虛上人以所註定山種樹詩見寄喜而賦此兼  
稿呈定山

四十年前從事勞老來萬首放詩豪這回種樹心全了  
若個山僧眼總高尖送定山居寺近音來南海與神交  
白蓮不結楊州祖賓主依然是遠陶

追次康節先生小園逢春之作

金方日人集  
卷八  
時物紛紛共鬪妍  
好春多在語鶯邊  
傍花隨柳我尋句  
剩水殘山天賜年  
竹逕旁通沽酒市  
桃花亂點釣魚船  
而今我愛孫思邈  
自古高人方又圓

悼李九淵

九韶已死徵君老  
我與深之事偶同  
此夜北風吹白髮  
舊時明月對蒼松  
聲名還許輩流上  
歲月忽消鉛槧中  
莫笑腐儒無厚業  
尊前又手鳳駒鴻

過康齋吳與弼先生墓



桐園三尺聘君墳猶有門人為掃雲此日英靈應識我  
斯文風氣莫如君吟殘老杜詩千首看破伊川易幾分  
未了平生端的事九原風露倍酸辛

弔鄒汝愚謫石城

少年為意儘崢嶸謫死天涯二十春舊雨不留花縣榻  
秋風還閃石城旌兒啼母絕家何處水宿山居路幾程  
人事每將天不定文章何用博虛名

江月無光江水寒角聲杳杳夜漫漫孤兒歲月初離乳

夫子風流儘蓋棺身後豈知名可貴世間長苦路行難  
鷓鴣不亂當年計還得雲門枕上看

弱女孤兒哭作團歸槎渺渺倩誰看乾坤敬士此邦伯  
生死交情非長官遠陌不堪窮望眼寸腸何直百憂端  
欲陳薄奠無由致園橘山蔬領一盤

脩短榮枯分各該荒江落日為誰哀詞林當日人如夢  
唐肆今朝馬又來功利紛紛難入手乾坤滾滾負多才  
若將禍福論天道顛沛如公豈理哉

留別諸友

時赴  
召命

臺書春晚下漁磯中歲行藏與願違鷗鷺自來還自去  
江山疑是又疑非難將寸草酌萱草且著鶉衣拜衮衣  
但得聖恩憐老母滿船明月是歸時

崑崙西北是官陂滅跡烟霞我自遲獨往恐逢江上雪  
相思還寄隴頭枝風雲想見千年會消息終還七日期  
總為高堂難離別乾坤行道豈無時

欠服松花一大車顛毛垂白齒牙疎非關聖代無賢路



自愛清風卧絳厨道上或逢人賣屨眼中誰謂我非夫  
他時得遂投閒計只對青山不著書

釣渚風長裊故絲水花含笑海鷗疑都將老子行藏意  
分付東溟水月知自昔願從巢許後而今豈異帝堯時  
憑君寄語張東所更與飛雲作後期

石門次林緝熙韻

與君傾蓋定前言來往青山十五年老我自知難用世  
勞君相送過貪泉清言晚對江邊寺離思秋生鳥外天

留取西華一樽酒春風還擬上江船

孤舟昔繫飛來寺白首重來十四秋君看秋風吹彩鷁  
何如老子坐青牛留情世事終何補得意雲山亦易休  
見說夔龍滿朝著九重應許放巢由

不寐

一飯不忘溝壑心白頭冰雪更相侵妻烹野菜供晨饌  
兒點松燈對夜琴賦拙但留司馬壁碑成不賣退之金  
無端婚嫁相料理獨聽疎鐘到夜深

次韻張東海

老去人間久廢談青衫不改舊圖南  
道超形氣元無一人與乾坤本是三  
何物坐中春塊北幾時鏡裏雪鬢髮  
白沙詩語如禪語試著南安太守參

南安贈龍溪李知縣

玉枕山前逢使君西風吹破玉臺巾  
手中玉笋休辭醉鬢脚黃花別是春  
鳳歷流年供俯仰龍溪他日看經綸  
憑君若見蒙菴老為說于今白髮新

回岐道中

回岐接水樹冥冥又是朝京一日程  
兩耳如聞重譯語  
幾時不見五仙城  
朝無兒稚歌行酒  
夜有巡船卧打更  
欲識羈情多少在崑崙深處白雲生

聽秀夫誦定山先生之作

高格英風忽兩聯  
故人耳順是今年  
誰還敢擬三千首  
我也前知八百仙  
淡淡菊花秋滿把  
陶陶松蟻日高眠  
定山倘許吾扳駕  
突過堯夫擊壤前

廬阜書舍和潘百石

半畝還叨地主恩  
北來岡阜亦稱尊  
水搖荔子紅當檻  
雨洗芭蕉綠遶門  
飯後一床便獨卧  
晡時三觥喜微溫  
何人為借丹青手  
寫過書齋也未村

一飯區區亦有恩  
千秋壘洗定誰尊  
先生終日卧隱几  
童子幾人來掃門  
晴旭滿窗啼鳥亂  
春寒如酒著人溫  
江門烟景還多少  
獨倚寒松望遠村

青山別樣與人恩  
絕勝黃金買得尊  
從此往來喬木下



可人風日短籬門窻臨綠沼晴曦動爐有丹砂伏火溫  
莫道我無徐孺子又同廬阜又同村

滄溟著艇未還恩又結廬岡土宇尊六十乃扶居士杖  
尋常不過酒人門江山儘放襟懷濶風日頻來笑語溫  
只欠一詩閒道破無人走告定山村

城中借竹且蒙恩竹在崇岡竹故尊萬里滄溟都座下  
一條官路自江門長驅李白詩中逸不舍堯夫酒後溫  
笑問地官張主事病翁今日住何村

程鄉學生鐘宏求社學記贈之

千里來攜欠一圖東南村構幾模糊人扶世教何妨切  
老向斯文自愧疎雲谷許還徽國主周溪流到長官居  
秋風海上無窮意也向程鄉社學書

陳秉常雨中看柳

種得東風柳一千江山意思日無邊  
閣遮一老青春坐更縛孤舟白日眠  
近水雲烟相隱映他山桃李自嬌妍  
莫辭細雨頻來看爭得風光在眼前

四言詩

題畫松泉為張別駕吉

水流石澗生兩松樹洗耳掛瓢無此佳處幸逢堯舜那  
無巢許

撥悶

久病在床展轉莫舒我欲觀化有握其樞人有善願天  
必從之我病幾時我念西馳我行次且如飢思食如寒  
思衣動惟厥時匪亟匪徐魚躍鳶飛乃見真機天豈不

知天偶遺之吾將尤誰我聊任之撥悶以詩

示湛雨

有學無學有覺無覺千金一瓢萬金一諾天命流行真  
機活潑水到渠成鳶飛魚躍得山莫杖臨濟莫渴萬化  
自然太虛何說繡羅一方金針誰撥

示黃昊

高明之至無方不覆反求諸身霸柄在手

與民澤

聖人之學惟求盡性性即理也盡性至命理由化遷化以理定化不可言守之在敬有一其中養吾德性

五言排律

月桂自白石移來

金粟初分我花仙不吝人烟霞三畝宅草木百年身影入青霄舊香傳白石新為誰工態度本自惜精神翠竹旁通徑緋桃正隔津生憂兒女狎莫摘老夫嗔坐久風回席行遲露在巾當時尊玉茗平地隱冰輪收斂還真

性生成荷大鈞相逢山水地一笑武陵春

貞節堂栢

栢下拜羣孫年華栢既尊皇風動高蓋聖澤溉深根一  
事堪詩傳千年仗魯論撐空疑有力印月自無痕日出  
江門近春回海角暄細香浮竹院深色映籬門身謝看  
花塢家貧賣酒村陶然綠陰處高枕弄吾丸

景雲田蘭尾

蓑笠堪從事少年農圃情乘潮打兩漿落日照孤城山

廟題詩過汀鷗伐鼓驚提攜新耒耜寂寞舊棋枰挾被  
防春冷擁書讀晚晴兒曹依本分吾道在躬耕

旌節亭瓦雀

瓦雀喜亭棲丹青意自迷雨餘穿麗日花底啁香泥並  
語聲全碎追飛羽忽低悠悠去繒繳款款戀榱題卵育  
非無地兒羣或引梯慣行書案上漸滿井欄西不羨雕  
籠養真堪畫卷攜由來親白首那更避青藜狎久如私  
昵喧多類滑稽行藏非社燕飲啄溷家雞度嶺千回歇

排風幾寸躋冥鴻於汝輩滄海一涔蹄

七言排律

王僉憲問一謾述

客來問我一如何碧玉高樓夜夜歌  
廬阜一壺開我酒江門八尺贈人蓑  
杏壇多士無顏子洛下遺書病首科  
且就玉衡觀轉運那曾珠斗見森羅  
古來相遇難如此無怪人間說夢多

南海祠下短述



虎門千頃雪翻騰中有長鯨鼓鬣行看弄漁舟移白日  
欲拋塵土住滄溟江西不得誇彭蠡李白何須醉洞庭  
天際有山皆古色水邊無樹不秋聲一春桃李風吹盡  
萬里乾坤雨洗清畫舫乘空書卷白晴霞映水布衣明  
不辭海上兒童識亦有祠前老樹精歲歲放歌來此地  
晚年偏喜不簪纓

代疏答五羊諸友

白頭哭子豈堪聞信有玄穹怨不仁精爽已歸千佛國

玄纁未贈九原身求之夢後心如失病是愁中藥不神  
鬢脚又添今日白庭花何異昔年春東君此意誰分付  
又遣黃鸝喚向人

古風歌行

聽李深之說綠護屏聖池歌

天風吹斷雲冥冥陰崖露滴池水清牧童投竿蛟龍怒  
空山白日雷霆驚好事何人解尋覺李生為我言歷歷  
安得健步上崢嶸萬里直見滄波橫更憑猛手碎嵯峨

一徑密遶青松多池旁是我安樂窩近者青松遠滄波  
紅塵溷溷如吾何

除夕呈家兄

去年除夕色未稿今年除夕兄已老小弟朱顏不如昨  
但說窮通無醜好山中茅屋二十年日月逝矣如奔川  
兄弟五男并四女啜菽飲水同炊烟慈母年高白髮少  
二十孀居憂未了眼前黃口那得知爭覓梨栗相喧炊  
我年未老筋力衰耒耜即付大頭兒童牛生角木登壇

為我且給通家牒

別蒼梧席間呈謝大叅段都閫

蒼梧城中三日雨  
曉坐肩輿辭兩府  
叅西藩者謝大夫  
枉與段侯同出祖  
麻衣搭颯濫西席  
對坐一文兼一武  
三人相逢豈易得  
一金便作華筵主  
酒酣擁蓋回仙亭  
立馬蒼茫別容與

贈陳冕

南有滄溟水  
北有崑崙山  
我屋正在溪山間  
瞻望不遠

行實難白雲朝暮常漫漫桃花欲開梅又殘問君此去何時還

過端溪硯坑

峽雲鎖斷溪水白鶴羣飛峽山紫獨憐深山老鷓鴣  
萬古西風吹不起安得猛士提千鈞亂石溪邊夜搥碎  
行路難

潁川水洗巢由耳首陽薇實夷齊腹世人不識將謂何  
子獨胡為異茲俗古來死者非一人子胥屈子自殞身

生前杯酒不肯醉何用虛譽垂千春

修外海赤坭嶺墓作

赤坭岡頭封馬鬣生荆死竹無日月晚生曾孫賤又劣  
仰首蒼天淚流血載鉏入山日已決北風吹我篙櫓折  
悲鳴中夜聲嗚咽曉踏荒山馬蹄熱開榛伐樹功務捷  
指揮羣僕口喋喋須臾豁見天然穴高下山川甚蟠結  
西南諸峯青不絕東北漫漫海波貼向來淺土悲滅裂  
再握又恐靈氣洩復以玄石置墓碣永云雲來千萬劫

人生貴賤那可必下山復作兒女別

釣魚效張志和體

紅蕖風起白鷗飛大網攔江魚正肥微雨過又斜暉村  
北村南買醉歸

秋雨書事寄黃叔仁

嶺南氣候殊中土七月初窮乃無暑樹杪晝蒙蒙密雲  
簷前夜滴絲絲雨忽聞海上長風生卷入寒城翳鐘鼓  
東舍今晨母歛兒西隣昨夜夫葬婦人間生死不可期

慟哭蒼生奈何許

與黃叔仁乃父題東溪卷

并引昔余大父渭川府君居此溪上與黃氏故

鄰也去之六十年矣  
閱此卷有感而作

春烟漠漠溪溶溶  
鳥鳴終朝低竹叢  
桃花亂落溪水紅  
白首一人扶一筇  
醉中忘却溪西東  
誰載咿啞進酒蓬  
朝歌夕舞煩兒童  
吾廬若在茲溪上  
如此風光不讓公

憫雨寄叔仁

去年無雨穀不登  
今年雨多種欲死  
農夫十室九不炊



天道胡為乃如此自從西賊來充斥一十九年罷供億  
科徵不停差役多歲歲江邊民荷戈舊債未填新債續  
里中今有逃亡屋安能為汝上訴天五風十雨無凶年  
得林憲副待用書奉寄

午枕起攀庭樹株見戴白笠送君書開緘快讀不見字  
世間滾滾終何如傾蓋一談未可少悵望萬里徒區區  
願言保此無壞身烈火不解燭空虛

自伍光宇墓還登蓬萊絕頂

故人墳前澆我酒白日欲西回馬首磴危道險不可躋

下馬長鬚扶兩肘三步一噫五步停引絙出舌肺腸鳴

此時平地慮

闕

昂首十丈梯

闕

以手捉僕肩以足

踏崖頭躋攀欲上分寸

闕

恐翻身落深阱山北鳴鵲

鵲山南叫輶輶豺虎伏莽

闕

令人愁小

童魚貫上復休絕頂

闕

一望隘九州弱

水涓涓

闕

一杯滄溟流穹然青者吾羅浮神

仙葛白俱蟬蛸湖西先生去十秋五羊詩客徒淹留數

公陳迹或可搜死者已矣吾何憂後來諸生繼前修努  
力莫倦蓬萊遊

有鶴寓懷先

闕

有鶴獨睨臨江樓雪衣

闕

幽問爾莫是蘇耽流

蘇耽一去三十秋人間膏火不可留欲往從之嗟無由

鶴聞我言九回頭欲去不去增綢繆四野無雲風颭颭

奮翮萬里須臾周顧我

闕

非丁侯

蘭

蘭兮蘭兮翳灌莽棘刺蒲芽遞消長野竹抽梢一千丈  
巨石盤雲覆仙掌鵲鷁三三兼兩兩鼓翼飛鳴齊下上  
仰視玄穹極高廣梯稗瓦甃皆真賞半酣一爬誰老癢  
五羊城中鍾雪舫

答惠菊

玉臺山中冬酒熟玉臺氤氲聞紫菊香帆帶雨來山家  
九尺一莖紛天葩主人持酒向花笑坐下無花詩不妙  
近者擊壤歌二千菊花之音如響泉陳村老人植菊手

玉藥金華光照牖。世人有眼不識真愛菊。還他晉時人。  
一瓢酩酊廬山下。萬乘之君不得臣。

讀東坡年譜

坡翁春秋六十六。脚債一生償不足。黃州去後惠州來。  
無何又向儋州宿。瘴雨蠻風經幾時。放歸旋就昆陵木。  
熙寧以下至元符。中間老稚團船哭。婦女倉皇吏卒欺。  
坡翁已就臺官獄。平生幾冊篋中書。一一旁搜付回祿。  
西望眉山不知處。俯仰乾坤何局促。假令坡翁活百年。

長領詞官稱玉局氣節文章古所難先知孰與愚公谷  
丈夫當自慎出處何爾叟叟蒙毀辱

戲題張千戶畫松

張侯畫松人不識松不畫橫惟畫直上千青霄下盤石  
倒卷蒼龍二千尺神物安可留屋壁變化虛空了無迹  
不然恐遭雷斧闢左手執弓右持戟取勝無過萬人敵  
侯莫畫松費筆力

夢匡廬

老年心折何處山昨夜夢鼓潯陽柁九天無雲瀑布飛  
聲落長江震吳楚望湖亭邊延五老遠之近之無不可  
欲攜五老還滄溟一囊又借長髯我

與世卿同遊匡山作

海風晝號山木折墨浪夜撼蒼厓裂有廟於此昭臣節  
吾昔大書吾腦熱天冠地屨華裔別萬古不使綱常滅  
角聲嗚嗚旗獵獵樓船將軍過擊楫楚客傍觀默無說  
肝腸裏有三公鐵南山老人紅玉頰久坐松根待明月

題梁先生芸閣

聖人與天本無作六經之言天注脚百氏區區贅疣若  
汗牛充棟故可削世人聞見多尚博恨不堆書等山岳  
舍東丈人號芸閣高坐松根自鳴鐸樞趨童子慎唯諾  
口授心傳為小學孝經論語時叅錯子史平生盡拈却  
寄以斯名聊自諢講下諸郎頗淳樸誰敢作嘲侮先覺  
讀書不為章句縛千卷萬卷皆糟粕野鳥晝啼山花落  
舍西先生睡方著



題馬默齋壁

屋後青山屏翳合，簷前綠樹烟花匝。  
主人閉門履不納，跣趺明月光遶榻。  
客來問我笑不答，但聞山鶯啼恰恰。  
橙橘盈園野芳雜，門外一江深映閣。  
四時八風誰管押，烟飛霧走龍騰甲。  
拙者孤舟持酒榼，成化十年甲午臘。  
偶得

衡山西遊何時還，暫寄漁叢水石間。  
又恐風吹江日殘，扁舟打落蘆花灣。  
教兒且築大雲山。

可左言贈憲府王樂用歸瑞昌

可大可左左左費盡多少精神惹得一場笑唾百年不  
滿一瞬煩惱皆由心作若是向上輩人達塞一齊覷破  
歸來乎青山還我白雲滿座莫思量但高卧

贈左明府考績之京

六十花封一高要高要得公當不小阿衡事業世豈知  
天下經綸此中了百里萬夫大小同語默出處非殊調  
君今老績赴天官我只弄我江門釣

力疾書慈元廟碑記

北窻一榻羲皇前青燈碧玉眠三年慈元落落吾所憐  
兩崖山高青閣天崖門之水常涓涓一碑今為東山傳  
虛言不扶名教顛久病江湖落日前嗚呼此意誰與言

墜牀詩

母子之愛天所維廬岡數步局幽扉近者夢寐常追隨  
墜身床下如僵尸把火來照我為誰久病不死長命雛  
側身東面魂依依

六月十夜枕上

歲歲與年年幾見春秋過枕前有時自放春風顛堯夫  
擊壤歌千篇大醉起舞春風前碧玉不知今幾年望望  
衡山眼欲穿世卿茲來何延緣

枕上

江門水上廬山顛蒲團展卧羲皇前洗手一弄琴無絃  
江門之水常淵淵月光雲影江吞天安得古今名家如  
劉文靖莊定山題一言洞視千古如浮烟江門水與銀

河連又何必棲樓向釣魚臺上來打眠夫然後信性氣  
果江湖行藏動星象同符羊裘老子未化之跡可見之  
形以為曠世之賢而思齊其賢也耶

示諸生

江門洗足上廬山放脚一踏雲霞穿大行不加窮亦全  
堯舜與我都自然大者使問躍與潛守身當以藩籬先  
世間膏火來熬煎市朝名利相喧填百年光景空留連  
丈夫事業何由宣昔者綠鬢今華嶺嗚呼老去誰之愆

病中寄張廷實用杜子美韻

碧玉丈人天性直長以語人人不識胸中一部蓮華經  
江雲浩浩江泠泠時取黃鶴樓中老鐵笛傍崖吹之江  
神斂衽無人聽安得張乖崖來分與衡山一半今日在  
衡山為我作粥便是當年事業成

與謝天錫

先生大事久未襄造次干人不啟齒先生老窮旋渦佛  
滅頂驚心羅漢水麥舟遇我蓋非難凶歲探囊誠未易

佳城許讓白牛岡借助希微非我意為我寄聲謝韓子  
紛紛薄俗古今然所幸男兒窮有志後山之後豈無人  
百丈中流看砥柱

民澤自白沙館告還謁母故以歸為望

黃雲山人風韻奇擊壤亦唱堯夫詩頃者省母增江湄  
梅花雪月如見之西風千畝稻垂垂再把葫蘆斬纒歸  
山門莫作兒女態陽關三疊走噓唏

黃雲乃民澤所居之洞也

贈黎申兼呈克修梧州

蒼梧夜雨連床廬阜冬帆獨透夢中彩筆子須投海上  
黃雲我當種短歌送子子合知無病呻吟何足諷


王樂用僉江門看病別後賦此

木葉吾衣草吾屨鳥解唱歌花解舞天際虹橋萬丈高  
袖裏青蛇三尺許破帽衝開華頂雲西望衡山久延佇  
堂堂名教天命之六六洞天誰是主五羊城中老法星  
日昨江門看病去

感事示黃生叔仁



親老需甘軟家貧乏困倉賣文應不免為恨故難忘揮  
俗黃生激辭賓子覺剛爾曹雖得罪無愧在門牆



陳白沙集卷八